

四庫全書

子部

欽定四庫全書

子部  
列子卷六至

詳校官侍郎臣謝墉

檢討臣何思鈞覆勘

總校官庶吉士臣倉聖脉

校對官編修臣徐如澍

謄錄監生臣陳增

欽定四庫全書

列子卷六

晉 張湛 註

唐 殷敬慎 釋文

力命第六

命者必然之期素定之分也雖此事未驗而此理已然若以壽夭存於御養窮

遠係於智力此  
感於天理也

力謂命曰若之功奚若我哉命曰汝奚功於物而欲比朕  
力曰壽夭窮達貴賤貧富我力之所能也命曰彭祖之智

不出堯舜之上而壽八百顏淵之才不出衆人之下而壽十八仲尼之德不出諸侯之下而厄於陳蔡殷紂之行不

出三仁之上而居君位季札

吳太伯之後賢而讓位棄其室而耕後封於延陵故號曰

延陵季子

無爵於吳田恒專有齊國夷齊餓於首陽季氏富於

展禽若是汝力之所能奈何壽彼而夭此窮聖而達逆賤賢而貴愚貧善而富惡邪力曰若如若言我固無功於物而物若此邪此則若之所制邪命曰既謂之命奈何有制之者邪朕直而推之曲而任之自壽自夭自窮自達自貴

自賤自富自貧

不知所以然而然者命也豈可以制也

朕豈能識之哉朕豈

能識之哉

此篇明萬物皆有命則智力無施揚朱篇言人皆肆情則制不由命義例不一似相違反然治

亂推移愛惡相攻情偽萬端故要時競其弊孰知所以是以聖人兩情而不辨將以大扶名教而致弊之由不可都塞或有持詐力以干時命者則楚子問鼎於周無知亂嫡於齊或有矯天真以殖名者則夷齊守餓西山仲由被醢於衛故列子叩其二端使萬物自求其中苟得其中則智動者不以權力亂其素分矜名者不以矯抑虧其形生發言之旨其在於斯嗚呼覽者可不察哉

北宮子謂西門子曰朕與子並世也

而人子達並族也而人子敬並貌也而人子愛並言也而

人子庸並行也而人子誠並仕也而人子貴並農也而人

子富並商也而人子利朕衣則袒音曷褻音曷也音曷謹注淮南子

云楚人謂袍為袒說文云粗衣也又故布襦也又云襦掄

短者曰袒掄有作短褐者誤荀子作豎褐揚倮注云僮豎

之褐於反食則粢即粳糲今達反糲稻餅也味類乾米不碎

糲亦通反糲史記曰陳平食糲乾孟康云麥糧

中不破者是也蓋謂之居則蓬室出則徒行子衣則文

粗春粟麥為粢餅食之

錦食則梁肉居則連櫬音麗出則結駟在家熙音怡字

也笑然有棄朕之心在朝諤然有教朕之色請謁不相及

遨遊不同行固有年矣子自以德過朕邪西門子曰予

無以知其實汝造事而窮予造事而達此厚薄之驗歟

謂德有厚薄也而皆謂與予並汝之顏厚矣北宮子無以應自

失而歸中途遇東郭先生先生曰汝奚往而反僞僞羽

反本或作僞字而步有深愧之色邪北宮子言其狀東

林云疏行貌

郭先生曰吾將舍汝之愧與汝更之西門氏而問之曰

汝奚辱北宮子之深乎固且言之西門子曰北宮子言

世族年貌言行與予並而賤貴貧富與予異予語之曰

予無以知其實汝造事而窮予造事而達此將厚薄之

驗歟而皆謂與予並汝之顏厚矣東郭先生曰汝之言

厚薄不過言才德之差吾之言厚薄異於是矣夫北宮

子厚於德薄於命汝厚於命薄於德汝之達非智得也

北宮子之窮非愚失也皆天也非人也

此自然而然非由人事巧拙也

而汝以命厚自矜北宮子以德厚自愧皆不識夫固然

之理矣西門子曰先生止矣予不敢復言

聞理而服

北宮子

既歸衣其袒褐有狐貉之溫進其蒺菽

蒺音戎菽音叔爾雅云蒺菽謂

之蒺菽即胡荳也管子云齊桓公北伐山戎得冬蔥及蒺菽布之天下鄭玄云即大豆也

有稻粱之

味庇其蓬室若廣廈之蔭乘其輦輅

音路左傳云柴車也

若文軒



之飾終身道然

自得貌後揚  
朱篇義同

不知榮辱之在彼也在我

也

一達於理則外物多  
少不足以槩意也

東郭先生聞之曰北宮子之寐

又矣一言而能寤易恒也哉

當割反或  
作悟者非

管夷吾鮑叔牙

並類上  
人也

二人相友甚戚同處於齊管夷吾事公子糾鮑

叔牙事公子小白齊公族多寵嫡庶並行

齊僖公母弟  
夷仲年生公

孫無知僖公愛之令  
禮秩同於太子也

國人懼亂管仲與召

本  
作

忽奉公

子糾奔魯

糾襄公  
之次弟

鮑叔奉公子小白奔莒

音舉小白  
糾之次弟既

而公孫無知作亂

襄公立繼無知秩服遂殺  
襄公而自立國人尋殺之

齊無君二

公子爭入管夷吾與小白戰於莒道射

食亦反

中小白帶

鉤小白既立

小白即桓公也

脅魯殺子糾召忽死之管夷吾被

囚

齊告魯曰子糾兄弟弗忍加誅請殺之召忽管仲讐也請得而甘心醢之不然將滅魯魯患之遂殺子糾

召忽自殺管仲請囚也

鮑叔牙謂桓公曰管夷吾能可以治國桓

公曰我讎也願殺之鮑叔牙曰吾聞賢君無私怨且人

能為其主亦必能為人君如欲霸王

于况反

非夷吾其弗

可君必舍

音釋

之遂召管仲魯歸之齊鮑叔牙郊迎釋其

囚桓公禮之

鮑叔親迎管仲於堂阜而脫其桎梏於齊郊而見桓公也

而位於高國

之上鮑叔牙以身下之

高國齊之世族

任以國政號曰仲父桓

公遂霸管仲嘗嘆曰吾少窮困時嘗與鮑叔賈

音古分財

多自與鮑叔不以我為貪知我貧也吾嘗為鮑叔謀事而大窮困鮑叔不以我為愚知時有利不利也吾嘗三仕三見逐於君鮑叔不以我為不肖知我不遭時也吾嘗三戰三北鮑叔不以我為怯知我有老母也公子糾敗召忽死之吾幽囚受辱鮑叔不以我為無恥知我不羞小節而恥名不顯於天下也生我者父母知我者鮑

叔也此世稱管鮑善交者小白善用能者然實無善交

實無用能也實無善交實無用能者非更有善交更有

善用能也

此明理無善交用能非但管鮑桓公而已

召忽非能死不得死

鮑叔非能舉賢不得不舉小白非能用讎不得不用

此皆

冥中自相驅使非人理所制也

及管夷吾有病小白問之曰仲父之病

疾矣可不諱云

言病之甚不可復諱而不言也

至於大病則寡人惡乎

屬國而可夷吾曰公誰欲歟小白曰鮑叔牙可曰不可

其為人潔廉善士也

清己而已

其於不已若者不比之人

以欲

已善齊物也

一聞人之過終身不忘

不能棄瑕錄善

使之理國上且

鈎乎君下且逆乎民

必引君令其道不弘道苟不弘則逆民而不能納矣

其得罪

於君也將弗久矣小白曰然則孰可對曰勿已則隰朋

可

而非君然而可也

其為人也上忘而下不叛

居高而自忘則不憂下之離散愧

其不若黃帝而哀不已若者

慙其道之不逮已故能無棄人也

以德分人謂之聖人

化之使合道而不宰割也

以財分人謂之賢人

既以與人己愈有也

以賢臨人未有得人者也

求備於人則物所不與也

以賢

下人者未有不得人者也

與物升降者物必歸

其於國有不聞也

其於家有不見也

道行則不煩聞見故曰不警不聾不能成功

勿已則隰朋

可郭象曰若有聞見則事鍾於己而羣下無所措其手足故遺之可也未能盡其道故僅之可也然則

管夷吾非薄鮑叔也不得不薄非厚隰朋也不得不厚

厚之於始或薄之於終薄之於終或厚之於始厚薄之

去來弗由我也

皆天理也鄧析析音錫鄧析著書二篇鄭人與子產並時列子及孫卿

並云子產殺鄧析據左傳昭公二十年子產卒定公九年駟顛殺鄧析而用其竹刑則非子產所殺也操

七刀兩可之說設無窮之辭當子產執政作竹刑竹刑簡法

鄭國用之數難子產之治子產屈之子產執而戮之俄

而誅之

此傳云子產誅鄧析左傳云駟顯殺鄧析而然用其竹刑子產卒後二十年而鄧析死也

然

則子產非能用竹刑不得不用鄧析非能屈子產不得

不屈子產非能誅鄧析不得不誅也

此義例與上章同也

可以生

而生

或積德履仁或遇時而通得當年之歡騁於一己之志似由報應若出智力

天福也然

生耳自然泰耳未必由仁德與智力然交履信順之行得騁一己之志終年而無憂虞非天福如之何也可

以死而死

或積惡行暴或飢寒窮困故不顧刑戮不賴生存而威之而死似由身招若應事而至也

天福也

自然死耳自然窮耳未必由凶虐與愚弱然肆凶虐之心居不賴生之地而威之於死是之死

得死者故亦曰天福者也

可以生而不生

居榮泰之地願獲長年而早終

天罰也

願生

而不得生故居困辱之地不願可以死而不死天罰也

輕死而不之此之生而死復是天罰得生此之可以生可以死得生得死有矣得生此之

死而不可以生不可以死或死或生有矣此義之生而更死之死而

更生者也此二句上義更死之死而已該之而重出疑書誤然而生生死死非物非我皆命

也智之所無奈何由物生不在我豈智之所必故曰窈

然無際天道自會漠然無分天道自運無際無分是自

運豈有然天地不能犯天地雖大不聖智不能干聖神雖

役之哉能違自然也逆時鬼魅不能欺鬼魅雖妖不自然者默之成之默無

運也能詐其正也



平之寧之

平寧無所施為

將之迎之

功無遺喪似若將迎

楊朱之友曰李

梁李梁得疾七日大漸

漸劇也

其子環而泣之請醫李梁

謂楊朱曰吾子不肖如此之甚汝奚不為我歌以曉之

楊朱歌曰天其弗識人胡能覺匪祐自天弗孽由人我

乎汝乎其弗知乎醫乎巫乎其知之乎

言唯我與汝識死生有命耳非

醫巫所知也

其子弗曉終謁三醫

不解楊朱歌皆謂與已同也

一曰矯氏

二曰俞氏三曰盧氏診其所疾矯氏謂李梁曰汝寒溫

不節虛實失度病由飢飽色欲精慮煩散非天非鬼雖

漸可攻也季梁曰衆醫也

音棘屏上聲除也

之俞氏曰女始

則胎氣不足乳漣

竹用反乳汁也

有餘病非一朝一夕之故其

所由來漸矣弗可已也季梁曰良醫也且食

音嗣

之盧氏

曰汝疾不由天亦不由人亦不由鬼稟生受形既有制

之者矣亦有知之者矣

夫死生之分修短之期咸定於無為天理之所制矣但愚昧者

之所惑玄達者之所悟也

藥石其如汝何季梁曰神醫也重貺遣之

俄而季梁之疾自瘳生非貴之所能存身非愛之所能

厚生亦非賤之所能夭身亦非輕之所能溥故貴之或

不生賤之或不死愛之亦不厚輕之或不薄此似反也

非反也此自生自死自厚自薄或貴之而生或賤之而

死或愛之而厚或輕之而薄此似順也非順也此亦自

生自死自厚自薄驚熊語文王驚熊文王師也曰自長非所增

自短非所損算之所亡音無若何算猶智也老聃語關尹曰天

之所惡孰知其故王弼曰孰誰也言誰能知天意即其唯聖人也言迎天意揣

利害不如其已夫順天理而無心者則鬼神不能犯人

逆就利而違害此方與逆害為巨對用智之揚布揚朱

精巧者耳未能使吉凶不生禍福兼盡也弟也

問曰有人於此年兄弟也言兄弟也才兄弟也貌兄弟

也而壽夭父子也貴賤父子也名譽父子也愛憎父子

也吾惑之揚子曰古之人有言吾嘗識之音將以告若

不知所以然而然命也自然之理故不可以智知今昏昏昧昧紛紛

若若隨所爲隨所不爲日去日來孰能知其故皆命也

夫信命者亡音無下同壽夭有壽夭則非命信理者亡是非有是非則非理

信心者亡逆順有逆順則非信心信性者亡安危有安危則非性則謂之

都亡所信都亡所不信理亦無信與不信也真矣慤矣奚去奚就

奚哀奚樂奚為奚不為

理苟無心則無所不為亦無所為也

黃帝之書云

至人居若死動若械

此舉無心之極

亦不知所以居亦不知所

以不居亦不知所以動亦不知所以不動亦不以衆人

之觀易其情貌亦不謂衆人之不觀不易其情貌

不為外物

視聽改其度也

獨往獨來獨出獨入孰能礙之

物往亦往物來亦來任物出入

故莫墨尿

音眉方言墨尿江淮之間謂之無賴廣雅云有礙墨尿墨音目尿作欺自此二十人智巧才行兩兩

相背而能相與和同終年者各任其真性故也

○尿勅夷反

單至啾啾然  
音戰音啾音啾然

注禮記云啾寬綽貌說文云啾寬開心腹貌啾許爰反

慙  
妨減反

慙  
音敷此皆點詐輕發迂緩急連



眠莫典反 姪音矜 方言眠姪欺慢之語也 謹止累 諉如偽反

鈍滯也 爾雅云謹諉累去也 郭璞云謂以言相輕 虫弄也 謹反 諉反 勇敢怯疑 四人相與游

於世胥如志也 窮年不相適發適謂責其過也 自以行

無戾也多偶謂多與人相和諧也 廣雅云偶諧也 自專謂自專擅不與衆同也 乘權

謂乘用權勢也 隻立孤獨自立 四人相與游於世胥如志也 窮年不

相顧眄自以時之適也 此衆態也 其貌不一而成之於

道命所歸也 危危姑危反 幾欲之貌 成者肖音肖 肖似也 成也 初非

成也 危危敗者肖敗者也 初非敗也世有幾得幾失之言而理實無幾也

故迷生於肖

惑其似成敗而不能辯迷之所由也

肖之際昧然於肖而不

昧然

際猶會也言冥昧難分耳

則不駭外禍不喜內福

禍福豈有內外皆理之玄

定者也見其卒起因謂外至見其漸著因謂內成也

隨時動隨時止智不能知也

動止非我則非智所識也

信命者於彼我無二心

無喜懼之情也

於彼我而

有二心者不若掩目塞耳背坂面隍亦不墜仆也

此明用智

計之不如任自然也

故曰死生自命也

若其非命則仁智者必壽凶愚者必夭而未必然也

貧窮自時也

若其非時則勤儉者必富而奢惰者必貧亦未必然

怨夭折者不知

命者也怨貧窮者不知時者也

此皆不識自然之理

當死不懼在



窮不戚知命安時也其使多智之人量利害料虛實度

人情得亦中

涉冲反半也下同  
或涉仲反非也

亡亦中

中半也

其少智之

人不量利害不料虛實不度人情得亦中亡亦中量與

不量料與不料度與不度奚以異唯亡所量

不役智也

亡所

不量

在智之所知也

則全而亡

音無

喪亦非知

音智下知喪同

全亦非知

喪自全也自亡也自喪也

自全者非用心之所能自敗者非行失之所致也

齊

景公游於牛山

今北海郡臨淄縣

北臨其國城而流涕曰美哉

國乎鬱鬱芊芊

音千廣雅云芊芊茂盛之貌

若何滴滴

或作滂滂並皆步邦反流

蕩去此國而死乎使古無死者寡人將去斯而之何史

孔梁丘據皆從而泣曰臣賴君之賜䟽食

音嗣韓詩外傳全有此章

云䟽食惡肉可得食䟽食菜食也

惡肉可得而食駑馬稜

當作棧晏子春秋及諸書

皆作棧車謂編木為之棧士限反

車可得而乘也且猶不欲死而况吾

君乎晏子獨笑於旁公雪涕而顧晏子曰寡人今日之

游悲孔與據皆從寡人而泣子之獨笑何也晏子對曰

使賢者常守之則太公桓公將常守之矣使有勇者而

常守之則莊公靈公將常守之矣數君者將守之吾君

方將被蓑笠而立乎吠畝之中唯事之恤行假念死乎

行假當  
作何暇

則吾君又安得此位而立焉以其迭處之迭去

之至於君也而獨為之流涕是不仁也見不仁之君見  
諂諛之臣臣見此二者臣之所為獨竊笑也景公慙焉  
舉觴自罰罰二臣者各二觴焉魏人有東門吳者其子  
死而不憂其相室曰公之愛子天下無有今子死不憂  
何也東門吳曰吾常無子無子之時不憂今子死乃與  
嚮無子同臣奚憂焉農赴時商趣利工追術仕逐勢勢

使然也然農有水旱商有得失工有成敗仕有遇否命

使然也

自然冥運也

列子卷六

欽定四庫全書

列子卷七

晉 張湛 注

唐 殷敬慎 釋文

楊朱第七

夫生者一氣之斲聚一物之斲靈斲聚者終散斲靈者歸虛而好逸惡勞物之

常性故當生之所樂者厚味美服好色音聲而已耳而復不能肆性情之所安耳目之所娛以仁義為闕鍵用禮教為衿帶自枯槁於當年求餘名於後世者是不達乎生生之極也

楊朱

或云字子居戰國時人後於墨子楊朱與禽滑釐辨論其說在愛己不拔一毛以利天下與墨子相反

游於魯舍於孟氏孟氏問曰人而已矣奚以名為曰以名者為富既富矣奚不已焉曰為貴既貴矣奚不已焉曰為

死既死矣奚為焉曰為子孫

夫事為無已故情無厭足

名奚益於子孫

曰名乃苦其身焦其心

夫名者因偽以求真假虛以招實矯性而行之有為而為之者豈得

無勤憂之弊耶

乘其名者澤及宗族利兼鄉黨況子孫乎凡為名

者必廉廉斯負為名者必讓讓斯賤

此難家之辭也今有廉讓之名而不免貧

賤者此為善而不求利也

曰管仲之相齊也君淫亦淫君奢亦奢

言不重美

惡於已

志合言從道行國霸死之後管氏而已田氏之相齊

也君盈則已降君斂

收聚也

則已施

始政反此推惡於君也

民皆歸之

因有齊國子孫享之至今不絕若實名貧偽名富

為善不以為名

名自生者實名也為名以招利而世莫知者偽名也為名則得利者也

曰實無名名無實名

者偽而已矣

不偽則不足以招利

昔者堯舜偽以天下讓許由善卷

而不失天下享祚百年

偽實之迹因事而生致偽者由堯舜之迹而聖人無偽也

伯夷

叔齊實以孤竹君讓而終亡其國餓死於首陽之山實偽

之辯如此其省也

省猶察也

楊朱曰百年壽之大齊

去聲限也得百

年者千無一焉設有一者孩抱以逮昏老幾居其半矣夜

眠之所弭晝覺

音教

之所遺又幾居其半矣痛疾哀苦亡失

憂懼又幾居其半矣量十數年之中適然而自得亡

亡音無

介焉之慮者亦亡一時之中爾則人之生也奚為哉奚樂

哉為美厚爾為聲色爾而美厚復不可常厭

一本厭作磨音同

足

聲色不可常翫聞乃復為刑賞之所禁勸名法之所進

退遑遑爾競一時之虛譽規死後之餘榮僂僂爾慎

一本

作順耳

耳目之觀聽惜身意之是非徒失當年之至樂不

能自肆於一時重囚纍梏

手械也

何以異哉

異異也古字

太古



之人知生之暫來知死之暫往

生實暫來死實長往是世俗長談而云死復暫

往卒然覽之有似字誤然此書大旨自以爲存亡性復形氣轉續生死變化未始絕滅也注天瑞篇中已具詳

其義

故從心而動不違自然所好當身之娛非所去也

故不爲名所勸

一本作觀。爲善不近名者

從性而游不逆萬物所

好死後之名非所取也故不爲形所及

爲惡不近刑者

名譽先

後年命多少非所量也楊朱曰萬物所異者生也所同

者死也生則有賢愚貴賤是所異也死則有臭腐消滅

是所同也雖然賢愚貴賤非所能也臭腐消滅亦非所

能也故生非所生死非所死賢非所賢愚非所愚貴非

所貴賤非所賤

皆自然爾非能之所爲也

然而萬物齊生齊死齊賢

齊愚齊貴齊賤

皆同歸於自然

十年亦死百年亦死仁聖亦死

凶愚亦死生則堯舜死則腐骨生則桀紂死則腐骨腐

骨一矣孰知其異且趣當生奚遑死後

此譏計後者之惑也夫不謀其

前不慮其後無慮當今者德之至也

楊朱曰伯夷非亡

音

無欲矜清之郵

以放餓死

守餓至死

展季非亡情矜貞之郵以放寡宗

少宗系也

清貞之誤善之若此

此誣賢負實之言然欲有所抑揚不得不寄責於高勝者耳

揚

朱曰原憲窶於魯子貢殖於衛窶貧也  
殖貨殖原憲之窶損生

子貢之殖累身然則窶亦不可殖亦不可其可焉在曰

可在樂生可在逸身故善樂生者不窶足己之所資  
不至乏匱也善

逸身者不殖不勞心以  
營貨財也楊朱曰古語有之生相憐死相

捐此語至矣相憐之道非唯情也勤能使逸飢能使飽

寒能使溫窮能使達也相捐之道非不相哀也不含音  
撼

珠玉不服文錦不陳犧牲不設明器也晏平仲問養生

於管夷吾管夷吾曰肆之而已勿壅勿闕晏平仲曰其

目柰何夷吾曰恣耳之所欲聽恣目之所欲視恣鼻之所欲向恣口之所欲言恣體之所欲安恣意之所欲行

管仲功名人耳相齊致霸動因威謀任運之道既非所宜且於事勢不容此言又上篇復能勸桓公適終北之

國恐此皆夫耳之所欲聞者音聲而不得聽謂之闕塞

聰目之所欲見者美色而不得視謂之闕明鼻之所欲

向者椒蘭而不得嗅謂之闕顛與羶字同須延反鼻通曰顛顛音舒延反口

之所欲道者是非而不得言謂之闕智體之所欲安者

美厚而不得從謂之闕適意之所欲爲者放逸而不得

行謂之闕往凡此諸闕廢虐之主廢大也去廢虐之主熙

熙縱情也然以俟死一日一月一年十年吾所謂養任情極性

窮歡盡娛雖近期促年且得盡當生之樂也拘此廢虐之主錄而不舍戚戚

然以至久生百年千年萬年非吾所謂養惜名拘禮內懷於矜懼憂

苦以至死者長年選期非所貴也管夷吾曰吾既告子養生矣送死柰

何晏平仲曰送死略矣將何以告焉管夷吾曰吾固欲

聞之平仲曰既死豈在我哉焚之亦可沈之亦可瘞之

亦可露之亦可衣薪而棄諸溝壑亦可衮衣繡裳而納

諸石椁亦可唯所遇焉

晏嬰墨者也自以儉省治身動遵法度非違生死之分所以舉

此二賢以明治身者唯取其奢儉之異也

管夷吾顧謂鮑叔黃子曰生死之

道吾二人進之矣

當其有知則制不由物及其無知則非我所聞也

子產

鄭大夫公

孫僑也鑄刑法於鼎事在昭六年

相鄭專國之政三年善者服其化惡

者畏其禁鄭國以治諸侯憚之而有兄曰公孫朝有弟

曰公孫穆朝好酒穆好色朝之室也聚酒千鍾積麴成

封望門百步糟漿之氣逆於人鼻方其荒於酒也不知

世道之安危人理之悔吝室內之有亡

亡音無

九族之親

踈存亡之哀樂也雖水火兵刃交於前弗知也穆之後

庭比

頻密反

房數十皆擇稚齒媵者

媵音烏果切  
媵音奴坐反

以盈

之方其聃於色也屏

屏上聲

親昵絕交游逃於後庭以晝

足

即具反  
益也

夜三月一出意猶未愜鄉有處子之娥姣

廣雅

云好也

者必賄而招之媒而挑

蒼頡篇云挑謂招呼也說文作詵相誘也詵大了反

之弗獲而後已子產日夜以爲戚密造

本作造  
七到反

鄧析而

謀之曰僑聞治身以及家治家以及國此言自於近至

於遠也僑爲國則治矣而家則亂矣其道逆邪將奚方

以救二子子其詔之鄧析曰吾怪之久矣未敢先言子  
奚不時其治也喻以性命之重誘以禮義之尊乎子產  
用鄧析之言因間音開以謁其兄弟而告之曰人之所以

貴於禽獸者智慮智慮之所將者禮義禮義成則名位  
至矣若觸情而動聃於嗜慾則性命危矣子納僑之言  
則朝自悔而夕食祿矣朝穆曰吾知之久矣擇之亦久

矣覺事行多端選所好而爲之耳豈待若言而後識之哉凡生之難遇

而死之易及以難遇之生俟易及之死可孰念哉而欲



尊禮義以夸人矯情性以招名吾以此爲弗若死矣達哉

此言若夫刻意從俗違性順物失當身之斲樂懷長愁於一世雖支體具存實鄰於死者爲欲盡一

生之觀窮當年之樂唯患腹溢而不得恣口之飲力憊

而不得肆情於色不遑憂名聲之醜性命之危也且若

以治國之能夸物欲以說一本作爲辭辭亂我之心榮祿喜

我之意不亦鄙而可憐哉我又欲與若別之別之猶辨也夫

善治外者物未必治而身交苦善治內者物未必亂而

性交逸以若之治外其法可斲行於一國未合於人心

以我之治內可推之於天下君臣之道息矣吾常欲以此術而喻之若反以彼術而教我哉子產忙然無以應之他日以告鄧析鄧析曰子與真人居而不知也孰謂子智者乎鄭國之治偶耳非子之功也

不知真人則不能治國治國者

偶爾此一篇辭義大逕挺抑抗不似君子之音氣然其旨欲去自拘束者之累故有過逸之言者耳衛端

木叔者子貢之世也藉其先貲家累萬金不治世故放意所好其生民之所欲爲人意之所欲玩者無不爲也無不玩也牆屋臺榭園圃池沼飲食車服聲樂嬪御擬

齊楚之君焉至其情所欲好耳所欲聽目所欲視口所

欲嘗雖殊方偏

偏邊

國非齊土之所產育者無不必致之

猶藩牆之物也及其游也雖山川阻險塗逕修遠無不

必之猶人之行咫尺步也賓客在庭者日百住

色主反一本作住

庖厨之下不絕煙火堂廡之上不絕聲樂奉養之餘先

散之宗族宗族之餘次散之邑里邑里之餘乃散之一

國行年六十氣幹將衰棄其家事都散其庫藏珍寶車

服妾媵一年之中盡焉不爲子孫留財及其病也無藥

石之儲及其死也無瘞理之資

達於理者知萬物之無常財貨之叟聚聚之非

我之功也且盡奉養之宜散之非我之施也且明物不常聚若斯人者豈名譽所勸禮法所拘哉

一國

之人受其施者相與賦而藏之反其子孫之財焉禽骨

釐

墨子弟子也

聞之曰端木叔狂人也辱其祖矣段干生聞

之曰端木叔達人也德過其祖矣其所行也其所爲也

衆意所驚而誠理所取衛之君子多以禮教自持固未

足以得此人之心也孟孫陽問楊子曰有人於此貴生

愛身以蘄不死可乎曰理無不死以蘄久生可乎曰理

無久生生非貴之所能存身非愛之所能厚且久生奚

爲

設令久生亦非所願

五情好惡古猶今也四體安危古猶今也

世事苦樂古猶今也變易治亂古猶今也既聞之矣既

見之矣既更之矣百年猶厭其多况久生之苦也乎

夫一

生之經歷如此而已或好或惡或安或危如循環之無窮若以爲樂邪則重來之物無所復欣若以爲苦邪則切已之患不可再經故孟孫陽曰若然速亡愈於久生

則踐鋒

音烽踐一本作蹈

刃入湯火得所志矣楊子曰不然既

生則廢而任之究其所欲以俟於死

但當肆其情以待終耳

將死

則廢而任之究其所以放於盡

制不在我則無所顧戀也

無不廢

無不任何遽遲速於其間乎楊朱曰伯成子高不以一

毫利物舍

捨舍音捨

國而隱耕大禹不以一身自利一體偏

枯古之人損一毫利天下不與也悉天下奉一身不取

也人人不損一毫人人不利天下天下治矣禽子問楊

朱曰去子體之一毛以濟一世汝爲之乎

疑楊子貴身太過故發此

問也楊子曰世固非一毛之所濟

嫌其不達已趣故亦相答對也

禽子曰

假濟爲之乎楊子弗應禽子出語

魚據切

孟孫陽孟孫陽

曰子不達夫子之心吾請言之有侵若肌膚獲萬金者

若爲之乎曰爲之孟孫陽曰有斷短音若一節得一國子

爲之乎禽子默然有問孟孫陽曰一毛微於肌膚肌膚

微於一節省矣省察然則積一毛以成肌膚積肌膚以成

一節一毛固一體萬分之一物柰何輕之乎禽子曰

吾不能所以荅子然則以子之言問老聃關尹則子言

當矣聃尹之教貴身而賤物也以吾言問大禹墨翟則吾言當矣禹翟

之教忘己而濟物也孟孫陽因顧與其徒說他事楊朱曰天下之

美歸之舜禹周孔天下之惡歸之桀紂然而舜耕於河陽陶於雷澤四體不得整安口腹不得美厚父母之所不愛弟妹之所不親行年三十不告

古沃反告上曰告發下曰誥

而

娶及受堯之禪年已長智已衰商均不才禪位於禹戚

戚然以至於死此天人窮毒者也

古夆反禹父名夆又作駘

治水

土績用不就殛諸羽山禹纂業事讐惟荒土功子產不

字過

音戈

門不入身體偏枯手足胼胝及受舜禪卑宮室

美紱冕戚戚然以至於死此天人之憂苦者也武王既



終成王幼弱周公攝天子之政召公不悅四國流言居  
東三年誅兄放弟僅免其身戚戚然以至於死此天人  
之危懼者也孔子明帝王之道應時君之聘伐樹於宋  
削迹於衛窮於商周圍於陳蔡受屈於季氏見辱於陽  
虎戚戚然以至於死此天民之遑遽者也凡彼四聖者  
生無一日之歡死有萬世之名名者固非實之所取也  
雖稱之弗知雖賞之不知與株塊無以異矣觀形即事  
憂危之迹  
著矣求諸方寸未有不嬰拂其心者將明  
至理之言必舉美惡之極以相對偶者也 桀藉累世之

資居南面之尊智足以距羣下威足以震海內恣耳目  
之所娛窮意慮之所爲熙熙然以至於死此天民之逸  
蕩者也紂亦藉累世之資居南面之尊威無不行志無  
不從肆情於傾宮縱欲於長夜不以禮義自苦熙熙然  
以至於誅此天民之放縱者也彼二凶也生有從欲之  
歡死被愚暴之名實者固非名之所與也雖毀之不知  
雖稱之弗知此與株塊奚以異矣盡驕奢之極恣無厭  
之性雖養以四海未  
始愜其心此乃彼四聖雖美之所歸苦以至終同歸於  
憂苦窮年也

死矣彼二凶雖惡之所歸樂以至終亦同歸於死矣揚  
朱見梁王言治天下如運諸掌梁王曰先生有一妻一  
妾而不能治三畝之園而不能芸而言治天下如運諸  
掌何也對曰君見其牧羊者乎百羊而羣使五尺童子  
荷董而隨之欲東而東欲西而西使堯牽一羊舜荷董  
而隨之則不能前矣且臣聞之吞舟之魚不游枝流鴻  
鵠高飛不集污池何則其極遠也黃鍾大呂不可從煩  
奏之舞何則其音疏也將治大者不治細成大功者不

成小此之謂矣楊朱曰太古之事滅矣孰誌之哉三皇

之事若存若亡五帝之事若覺

音啟

若夢三王之事或隱

或顯億不識

如字又音誌下同

一當身之事或聞或見萬不識

一目前之事或存或廢千不識一太古至于今日年數

固不可勝紀但伏羲已來三十餘萬歲賢愚好醜成敗

是非無不消滅但遲速之間耳

以遲速而致惑奔競而不已豈不鄙哉

矜

一時之毀譽以焦苦其神形要

一遙反

死後數百年中餘

名豈足潤枯骨何生之樂哉楊朱曰人肖天地之類懷

五常之性

肖似也類同陰陽性稟五行也

有生之最靈者人也人者爪

牙不足以供守衛肌膚不足以自捍禦趨走不足以逃

利害無毛羽以禦寒暑必將資物以爲養性任智而不

恃力故智之所貴存我爲貴力之所賤侵物爲賤然身

非我有也既生不得不全之物非我有也既有不得不

去之身固生之主物亦養之主雖全生身不可有其身

雖不去物不可有其物有其物有其身是橫私天下之

身橫私天下之物其唯聖人乎

知身不可私物不可有者唯聖人可也

公

天下之身公天下之物其唯至人矣此之謂至至者也

天下之身同之我身天下之物同之我物非至人如何既覺私之爲非又知公之爲是故曰至至也揚朱

曰生民之不得休息爲四事故一爲壽不敢恣其嗜慾二爲名

不敢恣其所行三爲位出意求通四爲貨專利惜費有此四者畏鬼畏人

畏威畏刑此謂之遁人也違其自然者也可殺可活制命在外

全則不係於己不逆命何羨壽不矜貴何羨名不要勢何羨位

不貪富何羨貨此之謂順民也得其生理天下無對制命在

內外物所不能制故語有之曰人不婚宦情欲失半人不衣食

君臣道息周諺曰田父可坐殺晨出夜入自以性之恒

啜菽茹藿自以味之極肌肉麤厚筋節嗒急

筋節急也或作雕嗒

上音權下區位反啜醜筋急貌曰嗒音區位切

一朝處以柔毛締幕薦以梁肉

蘭橘心瘡

一錯反

體煩內熱生病矣商魯之君與田父侔

地則亦不盈一時而憊矣

言有所安習者皆不可卒改易况自然乎

故野人

之所安野人之所美謂天下無過者昔者宋國有田夫

常衣緼屨

房未反緼屨謂分弊麻絮衣也韓詩外傳云異色之衣也又音汚○屨亂麻

僅以

過冬暨春東作自曝於日不知天下之有廣廈隩室綿

續狐貉

音鶴

顧謂其妻曰負日之暄人莫知者以獻吾君

將有重賞里之富室告之曰昔人有美戎菽甘棗莖

棗胡

棗也蒼頡篇云算耳也一名蒼耳棗俗音此算思上聲

芹萍

爾雅云萍萍也又萍蘓蕭也郭注今蘓蒿

也初生亦可食也

子者對鄉豪稱之

鄉豪里之貴者

鄉豪取而嘗之蜚

蜚音哲

於口慘於腹

慘蜚痛也

衆哂而怨之其人大慙子此類

也揚朱曰豐屋美服厚味姣

音絞

色有此四者何求於外

有此而求外者無獸之性無獸之性陰陽之靈也

非但累正

身乃侵損正氣

忠不足以安君適足以危身義不足以利物適



足以害生安上不由於忠而忠名滅焉利物不由於義而義名絕焉君臣皆安物我兼利古之道也鬻子曰去名者無憂老子曰名者實之賓而悠悠者趨名不已名固不可去名固不可賓邪今有名則尊榮亡名則卑辱尊榮則逸樂卑辱則憂苦憂苦犯性者也逸樂順性者也斯實之所係矣名胡可去名胡可賓但惡夫守名而累實守名而累實將恤危亡之不救豈徒逸樂憂苦之間哉

列子卷七

欽定四庫全書

列子卷八

晉 張湛 注

唐 殷敬慎 釋文

說符第八

夫事故無方倚伏相推言而驗之者攝乎變通之會

子列子學於壺丘子林壺丘子林曰子知持後則可言持身

矣

老子曰後其身而身先

列子曰願聞持後曰願若影則知之列子顧

而觀影形枉則影曲形直則影正然則枉直隨形而不在影

屈申任物而不在我此之謂持後而處先

物莫能與爭故常處先此語以壺子

答而不條顯列子一待持後之義因而自釋之壺子即以為解故不復答列子也

關尹謂子列子曰

言美則響美言惡則響惡身長則影長身短則影短名也

者響也身也者影也

夫美惡報應譬之影響理無差焉

故曰慎爾言將有和之

慎爾行將有隨之

所謂出其言善千里應之行乎邇見乎遠

是故聖人見出

以知入觀往以知來此其所以先知之理也

見言出則響入形往則影來報應之

理不異於此也而物所未悟故曰先知之耳

度在身稽在人人愛我我必愛之人

惡我我必惡之

禮度在身考驗由人愛惡從之物不負已

湯武愛天下故王

于况 桀紂惡天下故亡此則成驗 此所稽也稽度皆明而不

道也譬之出不由門行不從徑也

稽度之理既明而復道不行者則出可不

由戶行不從徑也

以是求利不亦難乎

達理而得利未之有

嘗觀之神農

有炎之德稽之虞夏商周之書度

徒洛反量也

諸法士賢人

之言所以存亡廢興而非由此道者未之有也

自古迄今無不

符驗嚴恢曰所爲問道者爲

于偽反

富問猶學也

今得珠亦富矣

安用道

道富之本也珠富之末有本故末存存末則失本也

子列子曰桀紂唯重

利而輕道是以亡

非不富失本則亡身

幸哉余未汝語也人而無

義唯食而已

義者宜也得理之宜者物不能奪也

是雞狗也彊食靡角

韓詩

外傳云靡共也呂氏春秋云角試力也此言人重利而輕道唯食而已亦猶禽獸飽食而相共角力求勝也

勝者爲制是禽獸也

以力求勝非人道也

爲雞狗禽獸矣而欲人

之尊已不可得也

豈欲人之尊已道在則自尊耳

人不尊已則危辱及

之矣

樂推而不厭尊己之謂苟違斯義亡將至

列子學射中矣

丁仲反下同率爾自中非

能期中者也

請於關尹子尹子曰子知子之所以中者乎對

曰弗知也關尹子曰未可

雖中而未知所以中故曰未可也

退而習之

三年又以報關尹子尹子曰子知子之所以中乎列子

曰知之矣。關尹子曰：可矣。守而勿失也。

心平體正，內求諸已，得所以中。

之道則前期命矣，發無遺矣。

非獨射也。爲國與身亦皆如之。故聖人

不察存亡而察其所以然。

射雖中而不知所以中，則非中之道。身雖存不知所以存。

則非存之理。故夫射者能拙俱中而知所以中者，異賢愚俱存而知所以存者，殊也。

列子曰：色盛

者驕，力盛者奮，未可以語道也。

色力是常人所矜也。

故不斑白語

道失而況行之乎？

色力既衰，方欲言，道悟之已晚。言之猶未能得而況行之乎？

故自

奮則人莫之告，人莫之告則孤而無輔矣。

驕奮者雖告而不受，則有

忘物之心，耳目自塞，誰其相之？

賢者任人，故年老而不衰，智盡而不亂。

不專己知則物願爲己用矣故治國之難在於知賢而不在自賢自賢

者即上所謂孤而無輔知賢則智者爲之謀能者爲之使物無棄才則國易治也宋人有爲于

反其君以玉爲楮葉者三年而成鋒殺所拜莖柯毫芒

亡音繁澤亂之楮葉中而不可別也別彼此人遂以巧食

宋國子列子聞之曰使天地之生物三年而成一葉則

物之有葉者寡矣故聖人恃道化而不恃智巧此明用巧能不

足以贍物因道而化則無不周子列子窮容貌有飢色客有言之鄭子

陽者曰列禦寇盖有道之士也居君之國而窮君無乃



爲不好呼報反士乎鄭子陽即令官遺之粟子列子出見

使者再拜而辭使者去子列子入其妻望之而拊心曰

妾聞爲有道者之妻子皆得佚樂今有飢色君遇一本作過

或作適而遺先生食先生不受豈不命也哉子列子笑謂

之曰君非自知我也以人之言而遺我粟至其罪我也

又且以人之言此吾所以不受也其卒民果作難一作亂

而殺子陽魯施氏有二子其一好學其一好兵好學者

以術干齊侯齊侯納之爲諸公子之傅好兵者之楚以

法干楚王王悅之以爲軍正祿富其家爵榮其親施氏之鄰人孟氏同有二子所業亦同而窘於貧羨施氏之

有

有猶富也

因從請進趨之方二子以實告孟氏孟氏之一

子之秦以術干秦王秦王曰當今諸侯力爭所務兵食而已若用仁義治吾國是滅亡之道遂宮而放之其一子之衛以法干衛侯衛侯曰吾弱國也而攝乎大國之間大國吾事之小國吾撫之是求安之道若賴兵權滅亡可待矣若全而歸之適於他國爲吾之患不輕矣遂

則之而還諸魯既反孟氏之父子叩胷而讓施氏施氏

曰凡得時者昌失時者亡子道與吾同而功與吾異失

時者也非行之謬也且天下理無常是事無常非應機則

失會則非先日所用今或棄之今之所棄後或用之此用與

不用無定是非也投隙抵時應事無方屬音燭乎智雖有仁義

禮法之術而智不適時則動而失會者矣智苟不足一本無不字使君博如孔邱

術如呂尚焉往而不窮哉二子之所以窮不以其博與術以其不得隨時之宜孟

氏父子舍音捨然無愠容曰吾知之矣子勿重言晉文公

出會欲伐衛公子鋤仰天而笑公問何笑曰臣笑鄰之  
人有送其妻適私家者道見桑婦悅而與言然顧視其  
妻亦有招之者矣臣竊笑此也公寤其言乃止引師而

還未至而有伐其北鄙者矣

夫我之所行人亦行之而欲騁己之志謂物不生心

惑於彼此之情也

晉國苦盜有却雍者能視盜之貌察其眉睫

之間而得其情晉侯使視盜千百無遺一焉晉侯大喜  
告趙文子曰吾得一人而一國盜爲盡矣奚用多爲文  
子曰吾君恃伺察而得盜盜不盡矣且却雍必不得其

死焉俄而羣盜謀曰吾所窮者却雍也遂共盜而殘之

殘賊殺之

晉侯聞而大駭立召文子而告之曰果如子言却

雍死矣然取盜何方文子曰周諺有言察見淵魚者不

祥智料隱匿者有殃

此答所以致死

且君欲無盜莫若舉賢而

任之使教明於上化行於下民有恥心則何盜之爲

此答

所以止盜之方

於是用隨會知政而羣盜奔秦焉

用聰明以察是非者羣詐

之所逃用先識以擿奸伏者衆惡之所疾智之爲患豈虛言哉

孔子自衛反魯息駕乎

河梁而觀焉有懸水三十仞圍

與圓同

流九十里魚鼈弗

能游鼃鼃弗能居有一丈夫方將厲之

也涉水

孔子使人

並

蒲浪反

涯

音崖

止之曰此懸水三十仞圍流九十里魚鼃

弗能游鼃鼃弗能居也意者難可以濟乎丈夫不以錯

七故反

意遂度而出孔子問之曰巧乎有道術乎所以能

入而出者何也丈夫對曰始吾之入也先以忠信及吾

之出也又從以忠信忠信錯吾軀於波流而吾不敢用

私所以能入而復出者以此也孔子謂弟子曰二三子

識

音志

之水且猶可以忠信誠身親之而況人乎

黃帝篇中已有

此章而小不同所明亦無以異故不復釋其義也 白公問孔子曰人可與微言

乎孔子不應

白公楚平王之孫太子建之子也其父爲費無極所譖出奔鄭鄭人殺之勝欲令尹

子西司馬子期伐鄭許而未行晉伐鄭子西子期將救鄭勝怒曰鄭人在此讐不遠矣欲殺子西子期故問孔

子孔子知之故不應微言猶密謀也 白公問曰若以石投水何如孔子曰

吳之善沒者能取之 石之投水則沒喻其微言不可覺故孔子答以善沒者能得之明物

不可隱者也 曰若以水投水何如孔子曰淄澠 音乘 之合易牙

嘗而知之 復爲善味者所別也 白公曰人故不可與微言乎孔子

曰何爲不可唯知言之謂者乎 謂者所以發言之旨趣發言之旨趣則是言之

微者形之於事則無所隱夫知言之謂者不以言言也言言則無微隱爭魚

者濡逐獸者趨非樂之也自應濡走故至言去言理自明化

行自至為無為理自成物自從夫淺知音智之所爭者未矣失本存未事著

而後爭解鮮不及也白公不得已遂死於浴室不知言之所謂遂便作亂故及於難

趙襄子使新緝穆子攻翟音狄穆子襄子家臣新緝狗也翟鮮虞也勝之取

左人中人左人中人鮮虞二邑名使遽人謁之遽傳也謁告也襄子方食

而有憂色左右曰一朝而兩城下此人之所喜也今君

有憂色何也襄子曰夫江河之大也不過三日謂潮水有大小



飄風暴雨不終朝日中不須臾

勢盛者必退也

今趙氏之德行

無所施於積

無積德而有重功不可不戒懼也

一朝而兩城下亡其及

我哉

不亡之則不亡之也

孔子聞之曰趙氏其昌乎夫憂者所以

爲昌也

戒之深也

喜者所以爲亡也

將致於伐

勝非其難者也持

之其難者也賢主以此持勝故其福及後世齊楚吳越

皆嘗勝矣然卒取亡焉不達乎持勝也唯有道之主爲

能持勝

勝敵者皆比國而有以不能持勝故危亡及之

孔子之勁能拓

一本作招淮南

子作杓許慎云杓引也古者縣門下從上杓引之皆難也

國門之關而不肯以力聞

勁力也拓舉也孔力能舉門關而力名不聞者不用其力也

墨子爲守攻公輸般音班

服而不肯以兵知

公輸般善爲攻器墨子設守能却之爲般所服而不稱知兵者不有其態

也

故善持勝者以強爲弱

得爲攻之母也

宋人有好行仁義者

三世不懈

古賣反

家無故黑牛生白犢以問孔子孔子曰

此吉祥也以薦上帝居一年其父無故而盲其牛又復

生白犢其父又復令其子問孔子其子曰前問之而失

明又何問乎父曰聖人之言先迕後合其事未究姑復

問之其子又復問孔子孔子曰吉祥也復教以祭其子

歸致命其父曰行孔子之言也居一年其子又無故而

盲其後楚攻宋圍其城民易子而食之析音錫骸而炊之

丁壯者皆棄城而戰死者大半此人以父子有疾皆免

及圍解而疾俱復此所謂禍福相倚也宋有蘭子者史記云無淳博出入爲蘭

應劭曰蘭妄也此所謂蘭子者以技妄遊者也以技干疑蘭與蘭同凡人物不知生出者謂之蘭也

宋元宋元召而使見其技以雙技長倍其身屬屬音燭其

蹊音脛並趨並馳弄七劍迭而躍之五劍常在空中元君

大驚立賜金帛又有蘭子又能燕戲者如今之絕倒投狹者聞之

復以千元君元君大怒曰昔有異技干寡人者

謂先  
僑人

技

無庸適值寡人有歡心故賜金帛彼必聞此而進復望

吾賞拘而擬戮之經月乃放

此技同而時異則  
功賞不可預要也

秦穆公

謂伯樂曰子之年長

張文  
反

矣

伯樂善  
相馬者

子姓有可使求馬

者乎

問伯樂之種姓有  
能相馬繼樂者不

伯樂對曰良馬可形容筋骨相

也

馬之良者可  
以形骨取也

天下之馬者若滅若沒若亡若失

天下  
之絕

倫者不於形骨毛色中求故髣

髴恍惚若存若亡難得知也

若此者絕塵弭

亡爾  
反

躒

跡也一本作撒

言迅速之極

臣之子皆下才也可告以良馬不可告

以天下之馬也臣有所與共

同也一本作供

擔纏薪菜者

負索薪菜

蓋賤役者

有九方臯此

一本作比

其於馬非臣之下也請見之

非臣

之下言有過於已

穆公見之使行求馬三月而反報曰已得之

矣在沙邱

地名

穆公曰何馬也對曰牝而黃使人往取之

牡而驪

力移反

穆公不說召伯樂而謂之曰敗矣子所使

求馬者

謂九方臯

色物牝牡尚弗能知又何馬之能知也伯

樂喟然太息曰一至於此乎是乃其所以千萬臣而無

數者也

言其相馬之妙乃如此也是以勝臣千萬而不可量

若臯之所觀天機也

天機形骨之表所以使蹄足者得之於心不顯其見得其精而忘其麤與麤同

在其

內而忘其外

精內謂天機麤外謂牝牡毛色

見其所見

所見者唯天機也

不見

其所不見

所不見毛色牝牡也

視其所視

視所宜視者不忘其所視

而遺其所

不視

所不應視者不以經意也

若臯之相馬乃有貴乎馬者也

言臯之此

術豈止於相馬而已神明所得必有貴於相馬者言其妙也

馬至果天下之馬也楚

莊王問詹何曰治國奈何

詹何蓋隱者也

詹何對曰臣明於治

身而不明於治國也楚莊王曰寡人得奉宗廟社稷願

學所以守之詹何對曰臣未嘗聞身治而國亂者也又

未嘗聞身亂而國治者也故本在身不敢對以末楚王

曰善狐邱丈人謂孫叔敖

五勞反楚大夫也

曰人有三怨子知

之乎

狐邱邑名丈人長老者

孫叔敖曰何謂也對曰爵高者人妬

之官大者主惡之

惡烏路反

祿厚者怨逮之孫叔敖曰吾爵

益高吾志益下吾官益大吾心益小吾祿益厚吾施益

博以是免於三怨可乎孫叔敖疾將死戒其子曰王亟

紀力反急也

封我矣吾不受也爲我死王則封汝汝必無受

利地楚越之間有寢邱者此地不利而名甚惡楚人鬼

而越人機

音機祥也又音畿  
信鬼神與機祥

可長有者唯此也孫叔敖

死王果以美地封其子子辭而不受請寢邱

在固始史  
記云孫叔

教善優孟後優孟言於莊  
王王召其子封之寢邱

與之至今不失

漢蕭何亦云  
子孫無令勢

家所奪即  
此類也

牛缺者上地之大儒也下之邯鄲遇盜於耦

沙之中盡取其衣裝車牛步而去視之歡然無憂耆之

色盜追而問其故曰君子不以所養害其所養盜曰嘻

賢矣夫既而相謂曰以彼之賢往見趙君使以我爲必

困我不如殺之乃相與追而殺之燕人聞之聚族相戒



曰遇盜莫如上地之牛缺也皆受教俄而其弟適秦至  
關下果遇盜憶其兄之戒因與盜力爭旣而不如又追  
而以卑辭請物盜怒曰吾活汝弘矣而追吾不已迹將  
著焉旣爲盜矣仁將焉在遂殺之又傷害其黨四五人

焉

牛缺以無宏招患燕人假有惜受禍安危之不可預圖皆此類

虞氏者梁之富人

家充殷盛錢帛無量財貨無訾

音髀言不可度量也賈逵注國語云訾量也

登高樓臨大路設樂陳酒擊博樓上

擊打也如今雙陸碁也韋昭博奕論

云設木而擊之是也古博經曰博法二人相對坐向局局分爲十二道兩頭當中名爲水用碁十二故法六白

六黑又用魚二枚置於水中其擲采以瓊爲之瓊畧方寸三分長寸五分銳其頭鑕刻瓊四面爲眼亦名爲齒二人互擲采行碁碁行到處即豎之名爲駝碁即入水食魚亦名牽魚每牽一魚獲二籌翻一魚獲三籌若已牽兩魚而不勝者名曰被翻雙魚彼家獲六籌爲大勝也畧音則俠客相隨而行樓上

博者射

爲句食亦反

明瓊張中

丁仲反

反

音兩揄

他臘反

魚而笑

凡戲爭能取中皆曰射亦曰投襄駟曰報采獲魚也揄字案真經本或作魚案大博經作鰈比目魚也此言報采獲中翻得兩魚大勝而笑也鰈他獵反今本云揄魚者是多一字也據義用鰈不用魚用魚不用鰈字○明瓊齒五白也射五白得飛鳶適音墜音隊其腐鼠而中之反兩魚獲勝故大笑

俠客相與言曰虞氏富樂之日久矣而常有輕易人之

志吾不侵犯之而乃辱我以腐鼠此而不報無以立懂

於天下

懂勇

請與若等戮力一志率徒屬必滅其家爲等

倫皆許諾至期日之夜聚衆積兵以攻虞氏大滅其家

驕奢之致禍敗不以一塗虞氏無心於陵物而家破者亦由謙退之行不素著故也

東方有人焉

曰爰旌目將有適也而餓於道狐父

父音甫下同

之盜曰邱

見而下壺餐

音孫水澆飯也

以舖

音哺

之爰旌目三舖而後能視

曰子何爲者也曰我狐父之人邱也爰旌目曰嘻

音熙

汝

非盜邪胡爲而食我

音嗣

吾義不食子之食也兩手據地

而歐

反一口

之不出喀喀

音容

然遂伏而死孤父之人則盜

矣而食非盜也以人之盜因謂食爲盜而不敢食是失

名實者也柱厲叔事莒敖公自爲不知己者居海上夏

日則食菱芰

一本作芡

冬日則食橡

音象

栗莒敖公有難柱厲

叔辭其友而徃死之其友曰子自以爲不知己故去今

徃死之是知與不知無辨也柱厲叔曰不然自以爲不

知故去今死是果不知我也吾將死之以醜後世之人

主不知其臣者也凡知則死之不知則弗死此直道而

行者也柱厲叔可謂懟以忘其身者也楊朱曰利出者

實及怨往者害來

利不獨往怨不偏行自然之勢

發於此而應於外者

唯請

請當作情情所感無遠近幽深

是故賢者慎所出

善著則吉惡積則禍 楊

子之鄰人亡羊既率其黨又請楊子之豎追之楊子曰

嘻亡一羊何追者之衆鄰人曰多岐路既反問獲羊乎

曰亡之矣曰奚亡之曰岐路之中又有岐焉吾不知所

之所以反也楊子戚

子六反

然變容不言者移時不笑者

竟日門人怪之請曰羊賤畜

丑救反

又非夫子之有而損

言笑者何哉楊子不荅門人不獲所命弟子孟孫陽出以告心都子心都子他日與孟孫陽偕入而問曰昔有昆弟三人游齊魯之間同師而學進仁義之道而歸其

父曰仁義之道若何伯曰仁義使我愛身而後名

身體髮膚

不敢毀傷也

仲曰仁義使我殺身以成名

無求生以害仁有殺身以成仁也

叔曰仁義使我身名並全

既明且哲以保其身

彼三術相反而同

出於儒孰是孰非邪楊子曰人有濱河而居者習於水勇於泅操舟鬻渡利供百口裹糧就學者成徒而溺死

者幾音祈半本學泐不學溺而利害如此若以爲孰是孰

非心都子嘿然而出孟孫陽讓之曰何吾子問之迂夫

子荅之僻吾惑愈甚心都子曰大道以多岐亡羊學者

以多方喪生學非本不同非本不一而末異若是唯歸

同反一爲亡得喪子長先生之門習先生之道而不達

先生之況也哀哉楊朱之弟曰布衣素衣衣素之衣去聲而出

天雨解素衣衣緇衣而反其狗不知迎而吠之楊布怒

將扑之楊朱曰子無扑矣子亦猶是也嚮音向者使汝狗

白而往黑而來豈能無怪哉

此篇明己身變異則外物所不達故有是非之義不

內求諸己而厚責於人亦猶揚布服異而怪狗之吠也

揚朱曰行善不以爲名而

名從之名不與利期而利歸之利不與爭期而爭及之

故君子必慎爲善

在智則人與之訟在力則人與之爭此自然之勢也未有處名利之衝患

難不至者也語有之曰爲善無近名豈不信哉

昔人言有知不死之道者燕君

使人受之不捷而言者死燕君甚怒其使者將加誅焉

幸臣諫曰人所憂者莫急乎死已所重者莫過乎生彼

自喪其生安能令君不死也乃不誅有齊子亦欲學其



道聞言者之死乃撫膺而恨富子聞而笑之曰夫所欲  
學不死其人已死而猶恨之是不知所以爲學胡子曰  
富子之言非也凡人有術不能行者有矣能行而無其  
術者亦有矣衛人有善數者臨死以訣喻其子其子志  
其言而不能行也他人問之以其父所言告之問者用  
其言而行其術與其父無差焉若然死者奚爲不能言  
生術哉

物有能言而不能行能行而不能言才性之殊也

邯鄲之民以正月之

旦獻鳩於簡子簡子大悅厚賞之客問其故簡子曰正

曰放生示有恩也客曰民知君之欲放之競而捕之死者衆矣君如欲生之不若禁民勿捕捕而放之恩過不相補矣簡子曰然齊田氏祖於庭食客千人中坐有獻魚鴈者田氏視之乃歎曰天之於民厚矣殖五穀生魚鳥以爲之用衆客和之如響鮑氏之子年十二預於次進曰不如君言天地萬物與我並生類也類無貴賤同生是類但自貴而自賤徒以小大智力而相制迭相食非相爲而生之人取可食者而食之豈天本爲人生之且蚊蚋噉子臘

反  
膚虎狼食肉非天本爲蚊蚋生人虎狼生肉者哉齊

有貧者常乞於城市城市患其亟也

孟去吏反數也

衆莫之與

遂適田氏之廐從馬醫作役而假食郭中人戲之曰從

馬醫而食不以辱乎乞兒曰天下之辱莫過於乞乞猶

不辱豈辱馬醫哉

不以從馬醫爲恥辱也此章言物一處極地分旣以定則無復廉恥况自

然能夷得失者乎

宋人有游於道

一本作宋有游於道

得人遺契者

遺棄歸

而藏之密數其齒

刻處似齒

告鄰人曰吾富可待矣

假空名以求實

者亦如執遺契以求富也

人有枯梧樹者其鄰父言枯梧之樹不祥

其鄰人遽而伐之

言之雖公而失  
厝言之所也

鄰人父因請以爲薪

又踐可  
疑之塗

其人乃不悅曰鄰人之父徒欲爲薪而教吾伐

之也

在可疑之地  
物所不信也

與我鄰若此其險豈可哉人有亡鈇

者

鈇  
也

意其鄰之子視其行步竊鈇也顏色竊鈇也言

語竊鈇也作動態度無爲而不竊鈇也俄而扣

胡沒反  
古掘字

又其月反一  
本作相非也

其谷而得其鈇他日復見其鄰人之子動

作態度無似竊鈇者

意所偏感則隨念想而轉易及其  
甚者則白黑等色方圓共形豈外

物之變故語有之曰  
萬事紛錯皆從意生

白公勝慮亂

慮猶度也  
謀度作亂

罷朝而立

倒杖策鋏

一音張劣反許慎注淮南子云馬策端有利鋒所以刺不前也

上貫頤

鋏杖末鋒

血流至地而弗知也鄭人聞之曰頤之忘將何不忘哉

意之所屬

音燭著

直畧反

其行足躓

音致礙也

株埒

埒音坎

頭抵

丁禮

反植木而不自知也昔齊人有欲金者清旦衣冠

並去聲

而之市適鬻金者之所因攫其金而去吏捕得之問曰


人皆在焉子攫人之金何對曰取金之時不見人徒見

金

嗜慾之亂人心如此之甚也故古人有言察秋毫之末者不見泰山之形調五音之和者不聞雷霆之聲

夫意萬物所係迷著外物者雖形聲之大而有遺矣况心乘於理檢情攝念泊然疑定者豈萬物動之所能亂

者乎



列子卷八